



Ils duos referents Katharina Hohenstein ed Uli Veith in occasiun da l'inscunter cultural a Müstair (fotografia: Benedict Stecher).

Inscunter da cultura

## Davo la müraglia da la clostra fin i'l Vnuost

[Kultur](#) | | 10.06.23 | Engiadina Bassa Val Müstair

Il svilup regional Engiadina Bassa/Val Müstair ed il Parc da natüra Biosfera Val Müstair han invidà in mardi al terz inscunter i'l sector cultura da la regiun. A Müstair ha üna vainchina da preschaints dudi referats davart la clostra e la lavor culturala vidvart il cunfin svizzer, i'l Vnuost.

Per la terza jada ha il svilup regional da la regiun Engiadina Bassa/Val Müstair invidà la «cultura» da la regiun ad ün inscunter. Quel es drizzà adüna a realisaturas e realisatuors dad instituziuns o organisaziuns culturalas illa regiun – saja museums, musicas o palcs da la scena pitschna. L'intenziun da quels inscuters es da chürar il contact e barat tanter ils «players» culturals in Engiadina Bassa e la Val Müstair. In mardi passà ha Martina Schlapbach, la sviluppadra regionala, pudü bivgnantar a Müstair a bundant 20 partecipantas e partecipants. Davo seis salüd ha surtut Franziska Peter dal Parc da natüra Biosfera Val Müstair il timun ed ha orientà davart il





Carolingia, l'abonada no ch'è tant 77.1117.0.

## Referat davart la clostra

Davo las guidas han duos referats dat dad üna vart ün'invista illa lavur ed illa vita in clostra e da l'otra vart eir illa lavur culturala pac toc davent, nempè i'l Vnuost. Ün dals duos referents es stat Uli Veith da la Fundaziun Pro Clostra Son Jon, l'insituziun chi porta la gestiun ed il mantegniment da tuot il complex. El ha orientà als preschaints davart qualche detagls da la clostra: «Eu sun daspö ot ons manader da la fundaziun e das-ch salüdar a vus eir in nom da las sours illa stüva da la clostra chi d'eira plü bod il sez da l'ovais-ch, sch'el d'eira in visita a Müstair. Pro la clostra da Müstair as tratta d'üna d'ün convent chi'd es stat abità da principi davent, il prüm da muongs e daspö il 12avel tschientiner da muongias. Hoz vivan qua amo ot muongias – e daspö il 19avel tschientiner es la clostra ün priorat ed independent da l'ovais-ch da Cuoira.»

Hozindi nun esa tenor Uli Veith plü pussibel da pudair finanzia la clostra cun l'agricultura e cul possess da god, e perquai s'haja realisà l'on 1969 la fundaziun. Il stabiliment d'eira in ün nosch stadi e tras la fundaziun s'haja pudü metter ad ir la clostra. Daspö 50 ons sun ils respunsabels vi da restaurar e mantgnair. La clostra es d'importanza pervia dal cunfin cun l'Italia be daspera e da l'otra vart vers il Pass dal Fuorn. Uli Veith: «Grazia a glied chi cugnoscha l'importanza da la clostra e grazia al Chantun e Confederaziun chi's partecipieschan cun minchün var 20 pertschient vi dals cuosts, esa pussibel da realisar tuot las lavuors necessarias. Quai es eir pussibel causa cha la clostra es daspö 1983 ün patrimoni cultural da l'Unesco», ha conclus Uli Veith.

## Referat cun sguard sur cunfin

Sco seguonda referenta a l'inscunter da rait a Müstair ha la schurnalista da Damal, Katharina Hohenstein orientà davart la sporta culturala sur cunfin. «Per blers vain cultura valütada in differentas manieras e tschertüns han l'impreschiun chi nu detta blera cultura i'l Vnuost. Nus savain però cha'l Vnuost dombra raduond 5000 societats chi s'occupan dad üsanças veglias, art e cultura – e las fundaziuns da societats sun eir dependentas da munaida chi vain missa a disposizun dal man public obain da sponsuors.» I'l Vnuost daja s-chars 30 societats da musica chi promouvan eir musicants giuvens, festivals da musica d'orgel, teater, divers museums, uschè per exaimpel il museum Paul Flora a Gluorn ed il «Brennermuseum» a Schlanders e bler oter plü. Sper las societats nomnadas daja eir concurrenzas da litteratura, per schurnalists, per students ed oters. Alch chi nu dà plü e d'eira pel contact tanter il Vnuost, Tirol e la Svizra important es il festival d'instà XONG chi colliava las trais regions musicalmaing.

Ils referats han dürà minchün var vainch minuts ed han dat bunas infuormaziuns. Davo ils referats han sport las muongias ün aperitiv cun agens prodots.

Text: Benedict Stecher/fmr

## Noch keine Kommentare

[einen neuen Kommentar verfassen](#)

**Info zum Bahnübergang**

Infolge Gleisunterhaltsarbeiten muss der Bahnübergang für jeglichen Fahrzeugverkehr gesperrt werden und es kann zu Wartezeiten kommen. Für Fussgänger und Velofahrer ist das Benutzen des Bahnüberganges jederzeit mit Behinderungen möglich.

Bitte beachten Sie, dass sich die angegebenen Termine witterungsbedingt oder infolge kurzfristiger Änderungen im Bauablauf verschieben können. Eine Übersicht über die Bauarbeiten der RhB finden Sie unter [www.rhb.ch/bauarbeiten](http://www.rhb.ch/bauarbeiten).

Besten Dank für Ihr Verständnis.

**Rhätische Bahn  
Infrastruktur  
Planung und Disposition**





[info@gammetermedia.ch](mailto:info@gammetermedia.ch)

Redaktion St. Moritz  
Telefon +41 81 837 90 81  
[redaktion@engadinerpost.ch](mailto:redaktion@engadinerpost.ch)

Werbemarkt:  
Telefon +41 81 837 90 00  
[werbemarkt@gammetermedia.ch](mailto:werbemarkt@gammetermedia.ch)

## Angebote

Abos  
Print  
Digital  
Mutationen

## Service

E-Paper «EP-Digital»  
Archiv  
Digitalisierung

## Trauer

Todesanzeigen  
Ratgeber

